


杜陸千選元

杜律五言上

大判

土岐文庫
文庫17
W96
1



文庫 17
W96
2

御定杜陸千選卷之三目錄

杜律五言

宿昔

能畫

鬪雞

歷歷


孤鴈

猿

白小

峽口

二首



昭和三十年二月一日
土岐善吉氏
寄贈

010185191910

御定杜陸千選卷三目錄

累土為山一簣盈尺以代彼朽木承諸
焚香竈甌甌甚安矣旁植慈竹蓋茲數
峯嶽岑嬋娟宛有塵外致乃不知興之
所至而作是詩

龍門

重題鄭氏東亭

冬日有懷李白

春日憶李白

故武衛將軍挽詞 三首

杜位宅守歲

陪鄭廣文遊何將軍山林 八首

九日曲江

奉陪鄭駙馬韋曲 二首

重過何氏 四首

陪諸貴公子丈八溝攜妓納涼晚際遇雨 二首

與鄴縣源大少府宴漾陂

送張參軍赴蜀州因呈楊侍御

贈陳二補闕

送裴二虬作尉永嘉

崔駙馬山亭宴集

官定後戲贈

九日楊奉先會白水崔明府

月夜

避地

對雪

元日寄韋氏妹

春望

得舍弟消息

憶幼子

自京竄至鳳翔喜達行在所 三首

送靈州李判官

哭長孫侍御

奉贈嚴八閣老

月

留別賈嚴二閣老兩院補闕

晚行口號

獨酌成詩

收京 二首

春宿左省

晚出左掖

送翰林張司馬南海勒碑

奉贈王中允維

贈畢四曜

端午日賜衣

酬孟雲卿

寄高三十五詹事

觀安西兵過赴關中待命二首

憶弟

秦州雜詩十三首

月夜憶舍弟

天末懷李白

宿贊公房

東樓

雨晴

寓目

山寺

遣懷

天河

初月

擣衣

歸燕

螢火

除架

夕烽

日暮

野望

病馬

蕃劍

送遠

示姪佐

佐還山後寄

所思

梅雨

為農

田舍

江漲

雲山

遣興

遣愁

過南鄰朱山人水亭

奉簡高三十五使君

和裴迪登新津寺寄王侍郎

出郭

邨夜

西郊

遊修覺寺

後遊

遣意 二首

漫成 二首

春夜喜雨

春水

江亭

早起

落日

可惜

獨酌

徐步

Blank manuscript area with vertical lines.



御定杜陸千選卷之一

杜律五言

登兗州城樓

東郡趨庭日南樓縱目初
浮雲連海岱平野入
青徐孤嶂秦碑在荒城
魯殿餘從來多古意臨
眺獨躊躇

劉九法曹鄭瑕丘石門宴集

秋水清無底蕭然淨客心
掾曹乘逸興鞍馬到
荒林能吏逢聯璧華筵直
一金晚來橫吹好泓
下亦龍吟

與任城許主簿遊南池

秋水通溝洫城隅進小船
晚涼看洗馬森木亂鳴蟬
菱熟經時雨蒲荒八月天
晨朝降白露遙憶舊青氈

房兵曹胡馬

胡馬大宛名鋒稜瘦骨成
竹批雙耳峻風入四蹄輕
所向無空濶真堪託死生
驍騰有如此萬里可橫行

畫鷹

素練風霜起蒼鷹畫作殊
攫身思狡兔側目似
愁胡條鏃光堪摘軒楹勢可呼
何當擊凡鳥毛血灑平蕪

過宋貞外之問舊莊

宋公舊池館零落首陽阿
枉道祇從入吟詩許更過
淹留問耆老寂寞向山河
更識將軍樹悲風日暮多

夜宴左氏莊

風林纖月落衣露淨琴張
暗水流花徑春星帶草堂
檢書燒燭短看劍引杯長
詩罷聞吳詠扁舟意不忘

天寶初南曹小司寇舅於我大夫人堂下
累土為山一簣盈尺以代彼朽木承諸焚
香瓷甌甚安矣旁植慈竹蓋茲數峯嶽
岑嬋娟宛有塵外致乃不知興之所至而
作是詩

一簣功盈尺三峯意出羣望中疑在野幽處欲
生雲慈竹春陰覆香爐曉勢分惟南將獻壽佳
氣日氤氳

龍門

龍門橫野斷驛樹出城來氣色皇居近金銀佛

寺開往還時屢改川陸日悠哉相閱征途上生
涯盡幾回

重題鄭氏東亭

華亭入翠微秋日亂清暉崩石歎山樹清漣曳
水衣紫鱗衝岸躍蒼隼護巢歸向晚尋征路殘
雲傍馬飛

冬日有懷李白

寂寞書齋裏終朝獨爾思更尋嘉樹傳不忘角
弓詩短褐風霜入還丹日月遲未因乘興去空
有鹿門期

春日憶李白

白也詩無敵飄然思不羣清新庾開府俊逸鮑參軍渭北春天樹江東日暮雲何時一樽酒重與細論文

故武衛將軍挽詞

嚴警當寒夜前軍落大星壯夫思敢決哀詔惜精靈王者今無戰書生已勒銘封侯意踈濶編簡為誰青

舞劍過人絕鳴弓射獸能銛鋒行愜順猛噬失躑騰赤羽千夫膳黃河十月冰橫行沙漠外神

速至今稱

哀挽青門去新阡絳水遥路人紛雨泣天意颯風颯部曲精仍銳匈奴氣不驕無由覩雄略大樹日蕭蕭

杜位宅守歲

守歲阿戎家椒盤已頌花盞簪喧櫪馬列炬散林鴉四十明朝過飛騰暮景斜誰能更拘束爛醉是生涯

陪鄭廣文遊何將軍山林

不識南塘路今知第五橋名園依綠水野竹上

青霄谷口舊相得濠梁同見招平生為幽興未
惜馬蹄遙

百頃風潭上千章夏木清卑枝低結子接葉暗
巢鶯鮮鯽銀絲膾香芥碧澗羹翻疑拖樓底晚
飯越中行

萬里戎王子何年別月支異花來絕域滋蔓匝
清池漢使徒空到神農竟不知露翻蕪雨打開
拆漸離披

剩水滄江破殘山碣石開綠垂風折笋紅綻雨
肥梅銀甲彈箏用金魚換酒來興移無灑掃隨

意坐莓苔

風磴吹陰雪雲門吼瀑泉酒醒思卧簟衣冷欲
裝綿野老來看客河魚不取錢祇疑淳樸處自
有一山川

憶過楊柳渚走馬定昆池醉把青荷葉狂遺白
接羅刺船思郢客解水乞吳兒坐對秦山晚江
湖興頗隨

林上書連屋階前樹拂雲將軍不好武稚子總
能文醒酒微風入聽詩靜夜分絺衣掛蘿薜涼
月白紛紛

幽意忽不愜歸期無奈何出門流水住回首白雲多自笑燈前舞誰憐醉後歌祇應與朋好風雨亦來過

九日曲江

綴席茱萸好浮舟菡萏衰百年秋已半九日意蕪悲江水清源曲荆門此路疑晚來高興盡搖蕩菊花期

奉陪鄭駙馬韋曲

韋曲花無賴家家惱殺人綠樽須盡日白髮好禁春石角鉤衣破藤梢刺眼新何時占叢竹頭

戴小烏巾

野寺垂楊裏春畦亂水間羨花多映竹好鳥不歸山城郭終何事風塵豈駐顏誰能共公子薄暮欲俱還

重過何氏

山雨樽仍在沙沈榻未移犬迎曾宿客鴉護落巢兒雲薄翠微寺天清皇子陂向來幽興極步履過東籬

落日平臺上春風啜茗時石欄斜點筆桐葉坐題詩翡翠鳴衣桁蜻蜒立釣絲自今幽興熟來

往亦無期

頗怪朝參懶應耽野趣長雨拋金鎖甲苔卧綠
沈槍手自移蒲柳家纔足稻梁看君用幽意白
日到羲皇

到此應常宿相留可判年蹉跎暮容色悵望好
林泉何日霑微祿歸山買薄田斯遊恐不遂把
酒意茫然

陪諸貴公子丈八溝攜妓納涼晚際遇雨
落日放船好輕風生浪遲竹深留客處荷淨納
涼時公子調冰水佳人雪藕絲片雲頭上黑應

是雨催詩

雨來霑席上風急打船頭越女紅裙濕燕姬翠
黛愁纜侵堤柳繫幔卷浪花浮歸路翻蕭颯陂
塘五月秋

與鄆縣源大少府宴漾陂

應為西陂好金錢罄一餐飯抄雲子白瓜嚼水
精寒無計迴船下空愁避酒難主人情爛漫持
答翠琅玕

送張參軍赴蜀州因呈楊侍御

好去張公子通家別恨添兩行秦樹直萬點蜀

御定詩經卷一
山尖御史新驄馬參軍舊紫髯皇華吾善處於
汝定無嫌

贈陳二補闕

世儒多汨沒夫子獨聲名獻納開東觀君王問
長卿皂鵬寒始急天馬老能行自到青冥裏休
看白髮生

送裴二虬作尉永嘉

孤嶼亭何處天涯水氣中故人官就此絕境與
誰同隱吏逢梅福遊山憶謝公扁舟吾已僦把
釣待秋風

崔駙馬山亭宴集

蕭史幽棲地林間踏鳳毛沈流何處入亂石閉
門高客醉揮金梳詩成得繡袍清秋多宴會終
日困香醪

官定後戲贈

不作河西尉淒涼為折腰老夫怕趨走率府且
逍遙耽酒須微祿狂歌託聖朝故山歸興盡回
首向風飄

九日楊奉先會白水崔明府

今日潘懷縣同時陸浚儀坐開桑落酒來把菊

花枝天宇清霜淨公堂宿霧披晚酣留客舞鳧
鷗共差池

月夜

今夜鄜州月閨中只獨看遙憐小兒女未解憶
長安香霧雲鬟濕清輝玉臂寒何時倚虛幌雙
照淚痕乾

避地

避地歲時晚竄身筋骨勞詩書遂墻壁奴僕且
旌旄行在僅聞信此生隨所遭神堯舊天下會
見出腥臊

對雪

戰哭多新鬼愁吟獨老翁亂雲低薄暮急雪舞
迴風瓢棄樽無淥燼存火似紅數州消息斷愁
坐正書空

元日寄韋氏妹

近聞韋氏妹迎在漢鍾離郎伯殊方鎮京華舊
國移秦城迴北斗郢樹發南枝不見朝正使啼
痕滿面垂

春望

國破山河在城春草木深感時花濺淚恨別鳥

御定本朝詩選 卷一
驚心烽火連三月家書抵萬金白頭搔更短渾
欲不勝簪

得舍弟消息

汝懦歸無計吾衰往未期浪傳烏鵲喜深負鶴
鴒詩生理何顏面憂端且歲時兩京三十口雖
在命如絲

憶幼子

驥子春猶隔鶯歌暖正繁別離驚節換聰慧與
誰論澗水空山道柴門老樹邨憶渠愁只睡灸
背俯晴軒

自京竄至鳳翔喜達行在所

西憶岐陽信無人遂却回眼穿當落日心死著
寒灰茂樹行相引連山望忽開所親驚老瘦辛
苦賊中來

愁思胡笳夕淒涼漢苑春生還今日事間道暫
時人司隸章初覩南陽氣已新喜心翻倒極嗚
咽淚沾巾

死去憑誰報歸來始自憐猶瞻太白雪喜遇武
功天影靜千官裏心蘇七校前今朝漢社稷新
數中興年

送靈州李判官

羯胡腥四海回首一茫茫
血戰乾坤赤氛迷日月
黃將軍專策略幕府盛才良
近賀中興主神兵動朔方

哭長孫侍御

道為詩書重名因賦頌雄
禮闈曾擢桂憲府屢乘驄
流水生涯盡浮雲世事空
惟餘舊臺柏蕭瑟九原中

奉贈嚴八閣老

扈聖登黃閣明公獨妙年
蛟龍得雲雨鵬鶚在

秋天客禮容疎放官曹可接聯
新詩句句好應任老夫傳

月

天上秋期近人間月影清
入河蟾不沒搗藥兔長生
只益丹心苦能添白髮明
干戈知滿地休照國西營

留別賈嚴二閣老兩院補闕

田園須暫往戎馬惜離羣
去遠留詩別愁多任酒醺
一秋常苦雨今日始無雲
山路時吹角那堪處處聞

晚行口號

三川不可到歸路晚山稠落鴈浮寒水饑鳥集
戍樓市朝今日異喪亂幾時休遠媿梁江總還
家尚黑頭

獨酌成詩

燈花何太喜酒綠正相親醉裏從為客詩成覺
有神兵戈猶在眼儒術豈謀身苦彼微官縛低
頭媿野人

收京

生意甘衰白天涯正寂寥忽聞哀痛詔又下聖

明朝羽翼懷商老文思憶帝堯叨逢罪已日霑
灑望青霄

汗馬收宮闕春城鏟賊壕賞應歌杖杜歸及薦
櫻桃雜虜橫戈數功臣甲第高萬方頻送喜無
乃聖躬勞

春宿左省

花隱掖垣暮啾啾棲鳥過星臨萬戶動月傍九
霄多不寢聽金鑰因風想玉珂明朝有封事數
問夜如何

晚出左掖

書刻傳呼淺春旗簇仗齊退朝花底散歸院柳
邊迷樓雪融城濕宮雲去殿低避人焚諫草騎
馬欲難棲

送翰林張司馬南海勒碑

冠冕通南極文章落上台詔從三殿去碑到百
蠻開野館穠花發春帆細雨來不知滄海使天
遣幾時迴

奉贈王中允維

中允聲名久如今契濶深共傳收庾信不比得
陳琳一病緣明主三年獨此心窮愁應有作試

誦白頭吟

贈畢四曜

才大今詩伯家貧苦宦卑飢寒奴僕賤顏狀老
翁為同調嗟誰惜論文笑自知流傳江鮑體相
顧免無兒

端午日賜衣

宮衣亦有名端午被恩榮細葛含風軟香羅疊
雪輕自天題處濕當暑著來清意內稱長短終
身荷聖情

酬孟雲卿

御定詩集卷一

卷一

杜律五言

十三

樂極傷頭白更長愛燭紅相逢難衮衮告別莫
匆匆但恐天河落寧辭酒盞空明朝牽世務揮
淚各西東

寄高三十五詹事

安穩高詹事兵戈久索居時來知宦達歲晚莫
情踈天上多鴻鴈池中足鯉魚相看過半百不
寄一行書

觀安西兵過赴關中待命

四鎮富精銳摧鋒皆絕倫還聞獻士卒足以靜
風塵老馬夜知道蒼鷹饑著人臨危經久戰用

急始如神

奇兵不在衆萬馬救中原談笑無河北心肝奉
至尊孤雲隨殺氣飛鳥避轅門竟日留歡樂城
池未覺喧

憶弟

且喜河南定不問鄴城圍百戰今誰在三年望
汝歸故園花自發春日鳥還飛斷絕人烟久東
西消息稀

秦州雜詩

滿目悲生事因人作遠遊遲迴度隴怯浩蕩及

關愁水落魚龍夜山空鳥鼠秋西征問烽火心
折此淹留

秦州城北寺勝跡隗囂宮苔蘚山門古丹青野
殿空月明垂葉露雲逐度溪風清渭無情極愁
時獨向東

州圖領同谷驛道出流沙降虜蕪千帳居人有
萬家馬驕朱汗落胡舞白題斜年少臨洮子西
來亦自誇

鼓角緣邊郡川原欲夜時秋聽殷地發風散入
雲悲抱葉寒蟬靜歸山獨鳥遲萬方聲一槩吾

道竟何之

莽莽萬重山孤城山谷間無風雲出塞不夜月
臨關屬國歸何晚樓蘭斬未還烟塵一長望衰
颯正摧顏

聞道尋源使從天此路迴牽牛去幾許宛馬至
今來一望幽燕隔何時郡國開東征健兒盡羗
笛暮吹哀

今日明人眼臨池好驛亭叢篁低地碧高柳半
天青稠疊多幽事喧呼閱使星老夫如有此不
異在郊坰

雲氣接崑崙
崑崙崑崙塞
雨繁羗童看
渭水使客向
河源烟火軍
中幕牛羊嶺
上邨所居秋
草靜正閉小
蓬門

山頭南郭寺
水彌北流泉
老樹空庭得
清渠一邑傳
秋花危石底
晚景卧鐘邊
俛仰悲身世
溪風為颯然

未暇泛滄海
悠悠兵馬間
塞門風落木
客舍雨連山
阮籍行多興
龐公隱不還
東柯遂踈懶
休鑷鬢毛斑

邊秋陰易夕
不復辨晨光
簷雨亂淋幔
山雲低度牆
鸕鷀窺淺井
蚯蚓上深堂
車馬何蕭索
門前百草長

地僻秋將盡
山高客未歸
塞雲多斷續
邊日少光輝
警急烽常報
傳聞檄屢飛
西戎外甥國
何得迓天威

唐堯真自聖
野老復何知
曬藥能無婦
應門亦有兒
藏書聞禹穴
讀記憶仇池
為報駕行舊
鶴在一枝

月夜憶舍弟
戍鼓斷人行
邊秋一鴈聲
露從今夜白
月是故

符定本隱三選卷一
鄉明有弟皆分散無家問死生寄書長不達况
乃未休兵

天末懷李白

涼風起天末君子意如何鴻鴈幾時到江湖秋
水多文章憎命達魑魅喜人過應共冤魂語投
詩贈汨羅

宿贊公房

杖錫何來此秋風已颯然雨荒深院菊霜倒半
池蓮放逐寧違性虛空不離禪相逢成夜宿隴
月向人圓

東樓

萬里流沙道西行過此門但添新戰骨不返舊
征魂樓角凌風迴城陰帶水昏傳聲看驛使送
節向河源

雨晴

天際秋雲薄從西萬里風今朝好晴景久雨不
妨農塞柳行踈翠山梨結小紅胡笳樓上發一
鴈入高空

寓目

一縣葡萄熟秋山首宿多關雲常帶雨塞水不

成河羌女輕烽燧胡兒掣駱駝自傷遲暮眼喪
亂飽經過

山寺

野寺殘僧少山園細路高麝香眠石竹鸚鵡啄
金桃亂水通人過懸崖置屋牢上方重閣晚百
里見秋毫

遣懷

愁眼看霜露寒城菊自花天風隨斷柳客淚墮
清笳水靜樓陰直山昏塞日斜夜來歸鳥盡啼
殺後棲鴉

天河

常時任顯晦秋至轉分明縱被微雲掩終能永
夜清含星動雙闕伴月落邊城牛女年年渡何
曾風浪生

初月

光細弦初上影斜輪未安微升古塞外已隱暮
雲端河漢不改色關山空自寒庭前有白露暗
滿菊花團

擣衣

亦知戍不返秋至拭清砧已近苦寒月况經長

別心寧辭擣衣倦一寄塞垣深用盡閨中力君
聽空外音

歸燕

不獨避霜雪其如儔侶稀四時無失序八月自
知歸春色豈相訪衆雛還識機故巢倘未毀會
傍主人飛

螢火

幸因腐草出敢近太陽飛未足臨書卷時能點
客衣隨風隔幔小帶雨傍林微十月清霜重飄
零何處歸

除架

束薪已零落瓠葉轉蕭疎幸結白花了寧辭青
蔓除秋蟲聲不去暮雀意何如寒事今年落人
生亦有初

夕烽

夕烽來不近每日報平安塞上傳光小雲邊落
點殘照秦通警急過隴自難難聞道蓬萊殿千
門立馬看

日暮

日暮風亦起城頭烏尾訛黃雲高未動白水已

揚波羌婦語還哭胡兒行且歌將軍別換馬夜
出擁雕戈

野望

清秋望不極迢遞起層陰遠水兼天淨孤城隱
霧深葉稀風更落山迴日初沈獨鶴歸何晚昏
鴉已滿林

病馬

乘爾亦已久天寒關塞深塵中老盡力歲晚病
傷心毛骨豈殊衆馴良猶至今物微意不淺感
動一沈吟

蕃劍

致此自僻遠又非珠玉裝如何有竒怪每夜吐
光芒虎氣必騰上龍身寧久藏風塵苦未息持
汝奉明王

送遠

帶甲滿天地胡為君遠行親朋盡一哭鞍馬去
孤城草木歲月晚關河霜雪清別離已昨日因
見古人情

示姪佐

多病秋風落君來慰眼前自聞茅屋趣只想竹

林眠滿谷山雲起侵籬澗水懸嗣宗諸子姪早
覺仲容賢

佐還山後寄

山晚黃雲合歸時恐路迷澗寒人欲到林黑鳥
應棲野客茅茨小田家樹木低舊諳踈懶叔須
汝故相攜

所思

鄭老身仍竄台州信始傳為農山澗曲卧病海
雲邊世已踈儒素人猶乞酒錢徒勞望牛斗無
計斲龍泉

梅雨

南京犀浦道四月熟黃梅湛湛長江去冥冥細
雨來茅茨踈易濕雲霧密難開竟日蛟龍喜盤
渦與岸迴

為農

錦里烟塵外江邨八九家圓荷浮小葉細麥落
輕花卜宅從茲老為農去國賒遠慚勾漏令不
得問丹砂

田舍

田舍清江曲柴門古道旁草深迷市井地僻懶

衣裳裊柳枝枝弱
枇杷對對香
鷓鴣西日照
曬翅滿漁梁

江漲

江漲柴門外
兒童報急流
下床高數尺
倚杖沒中洲
細動迎風燕
輕搖逐浪鷗
漁人縈小楫
容易拔船頭

雲山

京洛雲山外
音書靜不來
神交作賦客
力盡望鄉臺
衰疾江邊卧
親朋日暮迴
白鷗元水宿
何事有餘哀

遣興

干戈猶未定
弟妹各何之
拭淚霑襟血
梳頭滿面絲
地卑荒野大
天遠暮江遲
衰疾那能久
應無見汝期

遣愁

養拙蓬為戶
茫茫何所開
江通神女館
地隔望鄉臺
漸惜容顏老
無由弟妹來
兵戈與人事
回首一悲哀

過南鄰朱山人水亭

相近竹參差
相過人不知
幽花歌滿樹
細水曲

通池歸客邨非遠殘樽席更移看君多道氣從此數追隨

奉簡高三十五使君

當代論才子如公復幾人驂騑開道路鷹隼出風塵行色秋將晚交情老更親天涯喜相見披豁對吾真

和裴迪登新津寺寄王侍郎

何限倚山木吟詩秋葉黃蟬聲集古寺鳥影度寒塘風物悲遊子登臨憶侍郎老夫貪佛日隨意宿僧房

出郭

霜露晚淒淒高天逐望低遠烟鹽井上斜景雪峯西故國猶兵馬他鄉亦鼓鞶江城今夜客還與舊鳥啼

邨夜

風色蕭蕭暮江頭人不行邨春雨外急隣火夜深明胡羯何多難漁樵寄此生中原有兄弟萬里正含情

西郊

時出碧雞坊西郊向草堂市橋官柳細江路野

梅香傍架齊書帙看題檢藥囊無人覺來往踈
懶意何長

遊修覺寺

野寺江天豁山扉花竹幽詩應有神助吾得及
春遊徑石相縈帶川雲自去留禪枝宿衆鳥漂
轉暮歸愁

後遊

寺憶曾遊處橋憐再渡時江山如有待花柳更
無私野潤烟光薄沙暄日色遲客愁全為減捨
此復何之

遣意

轉枝黃鳥近泛渚白鷗輕一逕野花落孤邨春
水生衰年催釀黍細雨更移橙漸喜交遊絕幽
居不用名
簷影微微落津流脉脉斜野船明細火宿鷺起
圓沙雲掩初弦月香傳小樹花隣人有美酒稚
子夜能賒

漫成

野日荒荒白春流泯泯清渚蒲隨地有邨徑逐
門成只作披衣慣常從漉酒生眼邊無俗物多

病也身輕

江臯已仲春花下復清晨仰面貪看鳥回頭錯
應人讀書難字過對酒滿壺頻近識峩嶷老知
余懶是真

春夜喜雨

好雨知時節當春乃發生隨風潛入夜潤物細
無聲野徑雲俱黑江船火獨明曉看紅濕處花
重錦官城

春水

三月桃花浪江流復舊痕朝來沒沙尾碧色動

柴門接縷垂芳餌連筒灌小園已添無數鳥爭
浴故相喧

江亭

坦腹江亭暖長吟野望時水流心不競雲在意
俱遲寂寂春將晚欣欣物自私故林歸未得排
悶強裁詩

早起

春來常早起幽事頗相關帖石防隕岸開林出
遠山一丘藏曲折緩步有躋攀童僕來城市甌
中得酒還

落日在簾鈞溪邊春事幽芳菲綠岸圍樵爨倚
灘舟啁雀爭枝墜飛蟲滿院遊濁醪誰造汝一
酌散千愁

可惜

花飛有底急老去願春遲可惜歡娛地都非少
壯時寬心應是酒遣興莫過詩此意陶潛解吾
生後汝期

獨酌

步屨深林晚開樽獨酌遲仰蜂粘落絮行蟻上

枯梨薄劣慙真隱幽偏得自怡本無軒冕意不
是傲當時

徐步

整履步青蕪荒庭日欲晡芥泥隨燕觜花蘂上
蜂鬚把酒從衣濕吟詩信杖扶敢論才見忌實
有醉如愚

御定杜陸千選卷之一

御定杜陸千選卷之二目錄

杜律五言

寒食

琴臺

水檻遣心 二首

江漲

晚晴

高栴

惡樹

一室

逢唐興劉主簿弟
不見

草堂即事

范二真外邀吳十侍御郁特枉駕闕展待
聊寄此作

觀作橋成月夜舟中有述還呈李司馬

得廣州張判官叔卿書使還以詩代意

贈別何邕

贈別鄭鍊赴襄陽

花鴨

畏人

屏跡 二首

嚴公廳宴同詠蜀道畫圖

奉濟驛重送嚴公四韻

廣州段功曹到得楊五長史譚書功曹却

歸聊寄此詩

送段功曹歸廣州

題玄武禪師屋壁

悲秋

客夜

客亭

九日登梓州城

九日奉寄嚴大夫

戲題寄上漢中王

翫月呈漢中王

陪王侍御宴通川東山野亭

柳邊

春日梓州登樓

有感 二首

奉送崔都水翁下峽

涪江泛舟送韋班歸京

泛江送魏十八倉曹還京因寄岑中允參

范郎中季明

泛江送客

百舌

上牛頭寺

望牛頭寺

登牛頭山亭子

上堯率寺

望堯率寺

甘園

陪李梓州王閬州蘇遂州李果州四使君
登惠義寺

數陪李梓州泛江有女樂在諸舫戲為豔

曲贈李 二首

送何侍御歸朝

江亭送眉州辛別駕昇之

行次鹽亭縣聊題四韻奉簡嚴遂州蓬州

兩使君咨議諸昆季

倚杖

惠義寺送王少尹赴成都

又呈竇使君

送韋郎司直歸成都

章梓州水亭

客舊館

送元二適江左

放船

西山

巴山

愁坐

舍弟占歸草堂檢校聊示此詩

送李卿暉

江亭王閬州筵餞蕭遂州

陪王使君晦日泛江就黃家亭子

巴西聞收京闕送班司馬入京

城上

暮寒

遊子

滕王亭子

渡江

自閬州領妻子却赴蜀山行二首

寄邛州崔錄事

獨坐

倦夜

送舍弟穎赴齊州三首

過故斛斯校書莊

初冬

觀李固請司馬弟山水圖三首

正月三日歸溪上有作簡院內諸公

春日江村二首

春遠

去蜀

喜雨

渝州侯嚴六侍御不到先下峽

禹廟

題忠州龍興寺所居院壁

哭嚴僕射歸櫬

旅夜書懷

放船

長江

承聞故房相公靈輓自閬州啓殯歸葬東

都有作二首

將曉

懷錦水居止二首

又雪

雨

南楚

子規

移居夔州郭

船下夔州郭宿雨濕不得上岸別王十二

御定詩集卷二

判官

上白帝城

灩澦堆

老病

江上

晴

中夜

垂白

中宵

送十五弟侍御使蜀

月圓

草閣

宿江邊閣

西閣雨望

西閣夜

月

第五弟豐獨在江左近三四載寂無消息

覓使寄此

洞房

御定詩集卷二 目錄

御定杜陵千選卷之二

杜律五言

寒食

寒食江邨路風花高下飛汀烟輕冉冉竹日淨
暉暉田父要皆去鄰家問不違地偏相識盡雞
犬亦忘歸

琴臺

茂陵多病後尚愛卓文君酒肆人間世琴臺日
暮雲野花留寶曆蔓草見羅裙歸鳳求凰意寥
寥不復聞

水檻遣心

去郭軒楹敞無邨眺望賒澄江平少岸幽樹晚
多花細雨魚兒出微風燕子斜城中十萬戶此
地兩三家
蜀天常夜雨江檻已朝晴葉潤林塘密衣乾枕
席清不堪祇老病何得尚浮名淺把涓涓酒深
憑送此生

江漲

江發蠻夷漲山添雨雪流大聲吹地轉高浪蹴
天浮魚鼈為人得蛟龍不自謀輕帆好去便吾

道付滄洲

晚晴

邨晚鷺風度庭幽過雨露夕陽薰細草江色映
疎簾書亂誰能帙杯乾自可添時聞有餘論未
怪老夫潛

高栴

栴樹色冥冥江邊一蓋青近根開藥圃接葉製
茅亭落景陰猶合微風韻可聽尋常絕醉困卧
此片時醒

惡樹

柳

卷二

杜律五言

二

獨遶虛齋徑常持小斧柯幽陰成頗雜惡木翦
還多枸杞因吾有雞棲奈汝何方知不材者生
長漫婆娑

一室

一室他鄉遠空林暮景懸正愁聞塞笛獨立見
江船巴蜀來多病荆蠻去幾年應同王粲宅留
井峴山前

逢唐興劉主簿弟

分手開元末連年絕尺書江山且相見戎馬未
安居劍外官人冷關中驛騎踈輕舟下吳會主

簿意何如

不見

不見李生久佯狂真可哀世人皆欲殺吾意獨
憐才敏捷詩千首飄零酒一杯匡山讀書處頭
白好歸來

草堂即事

荒邨建子月獨樹老夫家雪裏江船渡風前徑
竹斜寒魚依密藻宿鴈聚圓沙蜀酒禁愁得無
錢何處賒

范二負外邀吳十侍御郁特枉駕闕展待

聊寄此作

暫往比鄰去空聞二妙歸幽棲誠簡略表白已
光輝野外貧家遠邨中好客稀論文或不媿重
肯款柴扉

觀作橋成月夜舟中有述還呈李司馬

把燭橋成夜迴舟客坐時天高雲去盡江迴月
來遲衰謝多扶病招邀屢有期異方乘此興樂
罷不無悲

得廣州張判官叔卿書使還以詩代意

鄉關胡騎滿宇宙蜀城偏忽得炎州信遙從月

峽傳雲深驃騎幕夜隔孝廉船却寄雙愁眼相
思淚點懸

贈別何邕

生死論交地何由見一人悲君隨燕雀薄宦走
風塵綿谷元通漢沱江不向秦五陵花滿眼傳
語故鄉春

贈別鄭鍊赴襄陽

戎馬交馳際柴門老病身把君詩過日念此別
驚神地濶峩眉晚天高峴首春為於耆舊內試
覓姓龐人

花鴨

花鴨無泥滓，階前每緩行。羽毛知獨立，黑白太分明。不覺羣心妬，休牽衆眼驚。稻粱露汝在，作意莫先鳴。

畏人

早花隨處發，春鳥異方啼。萬里清江上，三年落日低。畏人成小築，徧性合幽棲。門徑從榛草，無心待馬蹄。

屏跡

用拙存吾道，幽居近物情。桑麻深雨露，燕雀半

生成。邨鼓時時急，漁舟箇箇輕。杖藜從白首，心跡喜雙清。

晚起家何事，無營地轉幽。竹光團野色，舍影漾江流。失學從兒懶，長貧任婦愁。百年渾得醉，一月不梳頭。

嚴公廳宴同詠蜀道畫圖

日臨公館靜，畫滿地圖雄。劔閣星橋北，松州雪嶺東。華夷山不斷，吳蜀水相通。興與烟霞會，清樽幸不空。

奉濟驛重送嚴公四韻

卷二
遠送從此別青山空復情幾時杯重把昨夜月
同行列郡謳歌惜三朝出入榮江邨獨歸處寂
寞養殘生

廣州段功曹到得楊五長史譚書功曹却
歸聊寄此詩

衛青開幕府楊僕將樓船漢節梅花外春城海
水邊銅梁書遠及珠浦使將旋貧病他鄉老煩
君萬里傳

送段功曹歸廣州

南海春天外功曹幾月程峽雲籠樹小湖日蕩

船明交趾丹砂重韶州白葛輕幸君因旅客時
寄錦官城

題玄武禪師屋壁

何年顧虎頭滿壁畫滄洲赤日石林氣青天江
海流錫飛常近鶴杯渡不驚鷗似得廬山路真
隨惠遠遊

悲秋

涼風動萬里羣盜尚縱橫家遠傳書日秋來為
客情愁窺高鳥過老逐衆人行始欲投三峽何
由見兩京

客夜

客睡何曾著秋天不肯明入簾殘月影高枕遠
江聲計拙無衣食途窮仗友生老妻書數紙應
悉未歸情

客亭

秋窓猶曙色落木更天風日出寒山外江流宿
霧中聖朝無棄物衰病已成翁多少殘生事飄
零任轉蓬

九日登梓州城

伊昔黃花酒如今白髮翁追歡筋力異望遠歲

時同弟妹悲歌裏乾坤醉眼中兵戈與關塞此
日意無窮

九日奉寄嚴大夫

九日應愁思經時冒險艱不眠持漢節何路出
巴山小驛香醪嫩重巖細菊斑遙知簇鞍馬回
首白雲間

戲題寄上漢中王

西漢親王子成都老客星百年雙白鬢一別五
秋螢忍斷杯中物祇看座右銘不能隨皂蓋自
醉逐流萍

翫月呈漢中王

夜深露氣清江月滿江城浮客轉危坐歸舟應
獨行關山同一照烏鵲自多驚欲得淮王術風
吹暈已生

陪王侍御宴通川東山野亭

江水東流去清樽日復斜異方同宴賞何處是
京華亭景臨山水邨烟對浦沙狂歌遇形勝得
醉即為家

柳邊

只道梅花發那知柳亦新枝枝總到地葉葉自

開春紫燕時翻翼黃鸝不露身漢南應老盡霸
上遠愁人

春日梓州登樓

行路難如此登樓望欲迷身無却少壯跡有但
羈棲江水流城郭春風入鼓鼙雙雙新燕子依
舊已銜泥

有感

將帥蒙恩澤兵戈有歲年至今勞聖主何以報
皇天白骨新交戰雲臺舊拓邊乘槎斷消息無
處覓張騫

卷二
幽薊餘蛇豕乾坤尚虎狼諸侯春不貢使者日
相望慎勿吞青海無勞問越裳大君先息戰歸
馬華山陽

奉送崔都水翁下峽

無數涪江筏鳴橈總發時別離終不久宗族忍
相遺白狗黃牛峽朝雲暮雨祠所過憑問訊到
日自題詩

涪江泛舟送韋班歸京

追餞同舟日傷春一水間飄零為客久衰老羨
君還花雜重重樹雲輕處處山天涯故人少更

益鬢毛斑

泛江送魏十八倉曹還京因寄岑中允參

范郎中季明

遲日深江水輕舟送別筵帝鄉愁緒外春色淚
痕邊見酒須相憶將詩莫浪傳若逢岑與范為
報各衰年

泛江送客

二月頻送客東津江欲平烟花山際重舟楫浪
前輕淚逐勸杯下愁連吹笛生離筵不隔日那
得易為情

百舌

百舌來何處重重祇報春知音兼眾語整翮豈
多身花密藏難見枝高聽轉新過時如發口君
側有讒人

上牛頭寺

青山意不盡袞袞上牛頭無復能拘礙真成浪
出遊花濃春寺靜竹細野池幽何處鶯啼切移
時獨未休

望牛頭寺

牛頭見鶴林梯逕繞幽深春色浮山外天河宿
殿陰傳燈無白日布地有黃金休作狂歌老迴
看不住心

登牛頭山亭子

路出雙林外亭窺萬井中江城孤照日山谷遠
含風兵革身將老關河信不通猶殘數行淚忍
對百花叢

上兜率寺

兜率知名寺真如會法堂江山有巴蜀棟宇自
齊梁庾信哀雖久何顯好不忘白牛車遠近且
欲上慈航

望堽率寺

樹密當山逕江深隔寺門
霏霏雲氣重閃閃浪花翻
不復知天大空餘見佛尊
時應清盥罷隨喜給孤園

甘園

春日清江岸千廿二頃園
青雲羞葉密白雪避花繁
結子隨邊使開籠近至尊
後於桃李熟終得獻金門

陪李梓州王閬州蘇遂州李果州四使君
登惠義寺

春日無人境虛空不住天
鶯花隨世界樓閣倚山巔
遲暮身何得登臨意惘然
誰能解金印瀟灑共安禪

數陪李梓州泛江有女樂在諸舫戲為豔
曲贈李

上客迴空騎佳人滿近船
江清歌扇底野曠舞衣前
玉袖凌風竝金壺隱浪偏
競將明媚色偷眼豔陽天

白日移歌袖青霄近笛床
翠眉縈度曲雲鬢儼分行
立馬千山暮迴舟一水香
使君自有婦莫

學野鴛鴦

送何侍御歸朝

舟楫諸侯餞車輿使者歸山花相映發水鳥自
孤飛春日垂霜鬢天隅把繡衣故人從此去寥
落寸心違

江亭送眉州辛別駕昇之

柳影含雲幕江波近酒壺異方驚會面終宴惜
征途沙晚低風蝶天晴喜浴鳧別離傷老大意
緒日荒蕪

行次鹽亭縣聊題四韻奉簡嚴遂州蓬州

兩使君咨議諸昆季

馬首見鹽亭高山擁縣青雲溪花淡淡春郭水
泠泠全蜀多名士嚴家聚德星長歌意無極好
為老夫聽

倚杖

看花雖郭內倚杖即溪邊山縣早休市江橋春
聚船狎鷗輕白浪歸鴈喜青天物色兼生意凄
涼憶去年

惠義寺送王少尹赴成都

萼萼谷中寺娟娟林表峯闌干上處遠結構坐

來重騎馬行春徑
衣冠起暮鐘
雲門青寂寂
此別惜相從

又呈竇使君

向晚波微綠
連空岸却青
日兼春有暮
愁與醉無醒
漂泊猶杯酒
踟躕此驛亭
相看萬里外
同是一浮萍

送韋郎司直歸成都

竄身來蜀地
同病得韋郎
天下兵戈滿
江邊歲月長
別筵花欲暮
春日鬢俱蒼
為問南溪竹
抽梢合過牆

章梓州水亭

城晚通雲霧
亭深到芰荷
吏人橋外少
秋水席邊多
近屬淮王至
高門薊子過
荊州愛山簡
吾醉亦長歌

客舊館

陳跡隨人事
初秋別此亭
重來梨葉赤
依舊竹林青
風慢何時卷
寒砧昨夜聽
無由出江漢
愁緒日冥冥

送元二適江左

亂後今相見
秋深復遠行
風塵為客日
江海送

君情晉室丹陽尹公孫白帝城經過自愛惜取
次莫論兵

放船

送客蒼溪縣山寒雨不開直愁騎馬滑故作泛
舟迴青惜峯巒過黃知橘柚來江流大自在坐
穩興悠哉

西山

辛苦三城戍長防萬里秋烟塵侵火井雨雪閉
松州風動將軍幕天寒使者裘漫山賊營壘迴
首得無憂

巴山

巴山遇中使云自陝城來盜賊還奔突乘輿恐
未回天寒邵伯樹地濶望仙臺狼狽風塵裏羣
臣安在哉

愁坐

高齋常見野愁坐更臨門十月山寒重孤城水
氣昏葭萌氏種迴左擔犬戎屯終日憂奔走歸
期未敢論

舍弟占歸草堂檢校聊示此詩

久客應吾道相隨獨爾來熟知江路近頻為草

御定詩歸卷二
堂迴鵝鴨宜長數
柴荆莫浪開
東林竹影薄
臘月更須裁

送李卿暉

王子思歸日
長安已亂兵
霑衣問行在
走馬向承明
暮景已蜀僻
春風江漢清
晉山雖自棄
魏闕尚含情

江亭王閬州筵餞蕭遂州

離亭非舊國
春色是他鄉
老畏歌聲斷
愁隨舞曲長
二天開寵餞
五馬爛生光
川路風烟接
俱宜下鳳凰

陪王使君晦日泛江就黃家亭子

山豁何時斷
江平不肯流
稍知花改岸
始驗鳥隨舟
結束多紅粉
歡娛恨白頭
非君愛人客
晦日更添愁

巴西聞收京闕送班司馬入京

聞道收京邑
鳴鑾自陝歸
傾都看黃屋
正殿引朱衣
劍外春天遠
巴西勅使稀
念君經世亂
匹馬向王畿

城上

草滿巴西綠
城空白日長
風吹花片片
春動水

茫茫八駿隨天子羣臣從武皇遙聞出巡狩早
晚遍遐荒

暮寒

霧隱平郊樹風含廣岸波沈沈春色靜慘慘暮
寒多戍鼓猶長擊林鶯遂不歌忽思高宴會朱
袖拂雲和

遊子

巴蜀愁誰語吳門興杳然九江春草外三峽暮
帆前厭就成都卜休為吏部眠蓬萊如可到衰
白問羣仙

滕王亭子

寂寞春山路君王不復行古墻猶竹色虛閣自
松聲鳥雀荒邨暮雲霞過客情尚思歌吹入千
騎擁霓旌

渡江

春江不可渡二月已風濤舟楫敲斜疾魚龍偃
卧高渚花張素錦汀草亂青袍戲問垂綸客悠
悠見汝曹

自閬州領妻子却赴蜀山行

長林偃風色迴復意猶迷衫裛翠微潤馬銜青

草嘶棧懸斜避石橋斷却尋溪何日干戈盡飄
飄媿老妻
行色遮隱見人烟時有無僕夫穿竹語稚子入
雲呼轉石驚鸚毳抨弓落狝麗真供一笑樂似
欲慰窮途

寄邛州崔錄事

邛州崔錄事聞在果園坊久待無消息終朝有
底忙應愁江樹遠怯見野亭荒浩蕩風塵外誰
知酒熟香

獨坐

悲秋回白首倚杖背孤城江斂洲渚出天虛風
物清滄溟恨衰謝朱紱負平生仰羨黃昏鳥投
林羽翻輕

倦夜

竹涼侵卧內野月滿庭隅重露成涓滴稀星乍
有無暗飛螢自照水宿鳥相呼萬事干戈裏空
悲清夜徂

送舍弟穎赴齊州

岷嶺南蠻北徐關東海西此行何日到送汝萬
行啼絕域惟高枕清風獨杖藜時危暫相見衰

白意都迷

風塵暗不開汝去幾時來兄弟分離苦形容老
病催江通一柱觀日落望鄉臺客意長東北齊
州安在哉

諸姑今海畔兩弟亦山東去傍干戈覓來看道
路通短衣防戰地匹馬逐秋風莫作俱流落長
瞻碣石鴻

過故斛斯校書莊

此老已云歿鄰人嗟未休竟無宣室召徒有茂
陵求妻子寄他食園林非昔遊空餘總帷在浙

浙野風秋

初冬

垂老戎衣窄歸休寒色深漁舟上急水獵火著
高林日有習池醉愁來梁父吟干戈未偃息出
處遂何心

觀李固請司馬弟山水圖

簡易高人意匡床竹火鑪寒天留遠客碧海掛
新圖雖對連山好貪看絕島孤羣仙不愁思舟
舟下蓬壺

方丈渾連水天台總暎雲人間長見畫老去恨

御定全唐詩選 卷二
空聞范蠡舟偏小
王喬鶴不羣
此生隨萬物何處出塵氛

高浪垂翻屋崩崖
欲壓床野橋分子細
沙岸繞微茫紅浸珊瑚短
青懸薜荔長
浮查並坐得仙老暫相將

正月三日歸溪上有作簡院內諸公

野外堂依竹籬邊
水向城蟻浮仍臘
味鷗泛已春聲藥許鄰人斲
書從稚子擎
白頭趨幕府深覺負平生

春日江村

農務邛邛急春流岸岸深
乾坤萬里眼時序百年心
茅屋還堪賦桃源自可尋
艱難昧生理飄泊到如今

扶病隨朱紱歸休步紫苔
郊扉存晚計幕府愧羣材
燕外晴絲卷鷗邊水葉開
鄰家送魚鼈問我數能來

春遠

蕭蕭花絮晚菲菲
紅素輕日長惟鳥雀春遠獨
柴荆數有關中亂何曾劍外清
故鄉歸不得地入亞夫營

御定全唐詩選

卷二

杜律五言

十九

去蜀

五載客蜀郡一年居梓州如何關塞阻轉作瀟湘遊萬事已黃髮殘生隨白鷗安危大臣在必淚長流

喜雨

南國旱無雨今朝江出雲入空纔漠漠灑迥已紛紛巢燕高飛盡林花潤色分晚來聲不絕應得夜深聞

渝州候嚴六侍御不到先下峽

聞道乘驄發沙邊待至今不知雲雨散虛費短

長吟山帶烏蠻闊江連白帝深船經一柱觀留眼共登臨

禹廟

禹廟空山裏秋風落日斜荒庭垂橘柚古屋畫龍蛇雲氣生虛壁江聲走白沙早知乘四載疏鑿控三巴

題忠州龍興寺所居院壁

忠州三峽內井邑聚雲根小市常爭米孤城早閉門空看過客淚莫覓主人恩淹泊仍愁虎深居賴獨園

哭嚴僕射歸櫬

素幔隨流水歸舟返舊京老親如宿昔部曲異
平生風送蛟龍雨天長驃騎營一哀三峽暮遺
後見君情

旅夜書懷

細草微風岸危檣獨夜舟星垂平野濶月湧大
江流名豈文章著官應老病休飄飄何所似天
地一沙鷗

放船

收帆下急水卷幔逐回灘江市戎戎暗山雲滄

滄寒荒林無徑入獨鳥怪人看已泊城樓底何
曾夜色闌

長江

浩浩終不息乃知東極臨衆流歸海意萬國奉
君心色借瀟湘闊聲驅濫灑深未辭添霧雨接
上過衣襟

承聞故房相公靈櫬自閬州啓殯歸葬東
都有作

遠聞房太尉歸葬陸渾山一德興王後孤魂久
客間孔明多故事安石竟崇班他日嘉陵淚仍

露楚水還

丹旄飛飛日初傳
發閬州風塵終不解
江漢忽同流
劔動親身匣
書歸故國樓
盡哀知有處
為客恐長休

將曉

石城除擊柝
鐵鎖欲開關
鼓角悲荒塞
星河落曙山
巴人常小梗
蜀使動無還
垂老孤帆色
飄犯百蠻

懷錦水居止

軍旅西征僻
風塵戰伐多
猶聞蜀父老
不忘舜

謳歌天險終難立
柴門豈重過
朝朝巫峽水
遠逗錦江波

萬里橋西宅
百花潭北莊
層軒皆面水
老樹飽經霜
雪嶺界天白
錦城曛日黃
惜哉形勝地
回首一茫茫

又雪

南雪不到地
青崖露未消
微微向日薄
脉脉去人遥
冬熱鴛鴦病
峽深豺虎驕
愁邊有江水
焉得北之朝

雨

冥冥甲子雨已度立春時
輕箠煩相向纖絺恐
自疑烟添纔有色風引更如絲
直覺巫山暮兼
催宋玉悲

南楚

南楚青春異暄寒早早分
無名江上草隨意嶺
頭雲正月蜂相見非時鳥
共聞杖藜妨躍馬不
是故離羣

子規

峽裏雲安縣江樓翼瓦齊
兩邊山木合終日子
規啼眇眇春風見蕭蕭
夜色淒客愁那聽此故

作傍人低

移居夔州郭

伏枕雲安縣遷居白帝城
春知催柳別江與放
船清農事聞人說山光見
鳥情禹功饒斷石且
就土微平

船下夔州郭宿雨濕不得上岸
別王十二

判官

依沙宿舸船石瀨月娟娟
風起春燈亂江鳴夜
雨懸晨鐘雲岸濕勝地石堂烟
柔艣輕鷗外含
悽覺汝賢

上白帝城

城峻隨天壁樓高更女墻江流思夏后風至憶
襄王老去聞悲角人扶報夕陽公孫初恃險躍
馬意何長

灤頽堆

巨石水中央江寒出水長沈牛答雲雨如馬戒
舟航天意存傾覆神功接混茫干戈連解纜行
止憶垂堂

老病

老病巫山裏稽留楚客中藥殘他日裏花發去

年叢夜足露沙雨春多逆水風合分雙賜筆猶
作一飄蓬

江上

江上日多雨蕭蕭荆楚秋高風下木葉永夜攬
貂裘勲業頻看鏡行藏獨倚樓時危思報主表
謝不能休

晴

久雨巫山暗新晴錦繡文碧知湖外草紅見海
東雲竟日鶯相和摩霄鶴數羣野花乾更落風
處急紛紛

中夜

中夜江山靜危樓望北辰長為萬里客有愧百年身故國風雲氣高堂戰伐塵胡雛負息澤嗟爾太平人

垂白

垂白馮唐老清秋宋玉悲江喧長少睡樓迴獨移時多難身何補無家病不辭甘從千日醉未許七哀詩

中宵

西閣百尋餘中宵步綺疏飛星過水白落月動

沙虛擇木知幽鳥潛波想巨魚親朋滿天地兵甲少來書

送十五弟侍御使蜀

喜弟文章進添余別興牽數杯巫峽酒百丈內江船未息豺狼鬪空催犬馬年歸朝多便道搏擊望秋天

月圓

孤月當樓滿寒江動夜扉委波金不定照席綺逾依未缺空山靜高懸列宿稀故園松桂發萬里共清輝

草閣

草閣臨無地柴扉永不關
魚龍回夜水星月動
秋山夕露晴初濕高雲薄未還
泛舟慙小婦飄泊損紅顏

宿江邊閣

暝色延山徑高齋次水門
薄雲巖際宿孤月浪中翻
鶴鶴追飛靜豺狼得食喧
不眠憂戰伐無力正乾坤

西閣雨望

樓雨沾雲幔山寒著水城
逕添沙面出湍減石

稜生菊葉淒踈放松林駐遠情
滂沱朱檻濕萬慮倚簷楹

西閣夜

恍惚寒光暮逶迤白霧昏
山虛風落石樓靜月侵門
擊柝可憐子無衣何處村
時危關百慮盜賊爾猶存

月

四更山吐月殘夜水明樓
塵匣元開鏡風簾自上鉤
兔應疑鶴髮蟾亦戀貂裘
斟酌姮娥寡天寒奈九秋

第五弟豐獨在江左近三四載寂無消息
覓使寄此

聞汝依山寺杭州定越州風塵淹別日江漢失
清秋影著啼猿樹魂飄結蜃樓明年下春水東
盡白雲求

洞房

洞房環珮冷玉殿起秋風秦地應新月龍池滿
舊宮繫舟今夜遠清漏往時同萬里黃山北園
陵白露中

御定杜陸千選卷之二

